

২৬-০৩-১৮ প্রাতঃ মুরলী ওম শান্তি "বাপদাদা" মধুবন

"মিষ্টি বাচ্চারা :- বাবা তোমাদের নতুন দুনিয়ার জন্য নতুন জ্ঞান দেন, যার দ্বারা সূর্যবংশী
ঘরানার স্থাপন হয়, তোমরা এখন সেই ঘরানার মালিক তৈরী হচ্ছ"

প্রশ্ন :- কোন্ বিষয়ের নিশ্চয়তা পাকা হলে সহজেই বাবার অবিনাশী বর্সার অধিকারী হতে পারবে ?

উত্তর :- প্রথমে এই নিশ্চয়তা আনতে হবে যে, বেহদের সেই বাবা স্বর্গ বানাতে এসেছেন, কাজ -
কারবার করেও এই কথা যেন স্মরণে থাকে যে, আমরা হলাম সেই বাবার সন্তান, আমরা স্বর্গের
মালিক হলে অপার খুশীতে থাকতে পারবো, আর সহজেই অবিনাশী বর্সার অধিকারী হতে পারবো ।
যারা সম্পূর্ণ নিশ্চিত থাকে তাদের অপার খুশীর পারদ সবসময় চড়ে থাকে । আর যদি খুশী না
থাকে তো বুঝতে হবে যে, আমার পাই - পয়সার তুল্য নিশ্চয়তা নেই ।

গীত :- যেই দিন থেকে তুমি, আমি মিলেছি -----

ওম শান্তি । এ কার মহিমা হলো ? পরমপিতা পরমাত্মার । তাঁকে বলাও হয় পরমধাম নিবাসী
পরমপ্রিয়, পরমপিতা পরমাত্মা । তোমরা হলে সেই অনুভবী বাচ্চা যাদের পরমপিতা পরমাত্মা আপন
করে নিয়েছেন আর তোমরা বাচ্চারাও পরমপিতা পরমাত্মাকে আপন করে নিয়েছো । পরম অর্থাৎ
উঁচুর থেকেও উঁচু । এখন আত্মাদের বুদ্ধিতে আসে যে, আমরা আত্মারা বাস্তবে পরমধামে পরমপিতা
পরমাত্মার কাছেই থাকি । দুনিয়াতে আর কারোরই এই জ্ঞান নেই । তারা তো নিজেদেরই পরমাত্মার
রূপ মনে করে, তাহলে তো কোনো জ্ঞানই থাকলো না । সেই পরমপিতা পরমাত্মা যখন এসে মিলিত
হন, তখন তিনি নতুন কথা শোনান নতুন দুনিয়ার জন্য । নতুন দুনিয়াতে থাকে নতুন দিন আর
নতুন রাত । পুরানো দুনিয়াতে থাকে পুরানো দিন আর পুরানো রাত আর অনেক প্রকারের অনেক
দুঃখ । বেশীরভাগই এখানে দুঃখী । রাতে কাম কাটারি চালায় আর দিনেও পাপ করতে থাকে । আর
নতুন দুনিয়াতে সর্বদা সুখই সুখ থাকে । এ কথা তো অবশ্যই বুদ্ধিতে থাকবে । নতুন দুনিয়াতে থাকে
সূর্যবংশী লক্ষ্মী - নারায়ণের রাজধানী । এমন বলা হয় না যে প্রিন্স - প্রিন্সেসের রাজধানী । রাজা
- রানীর রাজধানীই বলা হয় । বরাবর সত্যযুগে থাকে শ্রী লক্ষ্মী - নারায়ণের ঘরানা । স্বর্গ থাকার
কারণে সেখানে থাকে অনেক সুখ । আর সেই সুখের জন্যই তোমরা পুরুষার্থ করছো, সে হলো পবিত্র
রাজধানী । বাবা তোমাদের সেই নতুন দুনিয়ার মালিক বানান । সেই সময় এই বিশ্বে আর কোনো
ঘরানা বা ধর্ম থাকে না । যখনই কাউকে বোঝাবে তখন লিখিয়েও নেবে যে, হ্যাঁ এ হলো যথার্থ
কথা । প্রতি মুহূর্তে রিভাইস করলে নিশ্চিত হবে --- পবিত্র, নতুন দুনিয়াতে যথা রাজা - রানী
তথা প্রজারাও পবিত্রই থাকে । সদা সুখী থাকে তারা । এখন তো তারা সদা দুঃখী । সঙ্গমেই এই
উপহার দেওয়া হয় যে -- কলিযুগের অন্তিমে কি থাকে আর সত্যযুগের আদিতে কি হবে, আজ কি
আছে আর কাল কি হবে ? এখন বেহদের রাত সম্পূর্ণ হয়ে এসেছে । এরপর কাল তোমরা দিনে
রাজত্ব করবে । আজ হলো পতিত দুনিয়া আর কাল পবিত্র দুনিয়া হবে । সাধু - সন্ত আদি সবাই
গায় - পতিত - পাবন সীতারামযখন দেখবে এমন গান গাইছে তখন জিজ্ঞেস করা উচিত,
তোমরা পতিত - পাবন কাকে মনে করে স্মরণ করো ? পতিত কে ? পাবন বা পবিত্রই বা কে
করেন ? পতিত দুনিয়া আর পবিত্র দুনিয়া কেমন ? পতিতকে যিনি পবিত্র করেন তিনি অবশ্যই

আসবেন আর পবিত্র করে পবিত্র দুনিয়ায় নিয়ে যাবেন। কলিযুগ অন্তকে পতিত দুনিয়া আর সত্যযুগ আদিকে পবিত্র দুনিয়া বলা হয়। তাকেই সবাই স্মরণ করে। পবিত্র দুনিয়া হলো স্বর্গ। তাহলে সেই স্বর্গ অবশ্যই নিরাকার পরমপিতা পরমাত্মাই স্থাপন করেন। সেই পবিত্র দুনিয়া, স্বর্গের রচয়িতা হলেনই পরমপিতা পরমাত্মা। নরকের রচয়িতা রাবণের কোনো মহিমা হয় না। মানুষ তাকে জ্বালায়। মানুষ জানে না, রাবণ নাম রেখে দিয়েছে। এর মতো কোনো মানুষ হতে পারে না। মানুষ তো পুনর্জন্ম নেয়। নাম রূপেরও পরিবর্তন হয়ে যায়। রাবণের নাম - রূপ কখনোই পরিবর্তন হয় না। এই দশ মাথাই চলে আসছে। দিনে দিনে আধা ফুট লম্বা বানানো হচ্ছে কারণ রাবণ এখন বড় হয়ে যাচ্ছে। রাবণকে জ্বালিয়ে আসছে তবুও মানুষ তমোপ্রধান হয়ে গেছে। এখন তোমরা বুঝতে পারো যে পতিত কে বানায়? এই পাঁচ বিকারকেই রাবণ বলা হয়। এই রাবণই দুঃখ দেয়, পতিত বানায়। তাই তো এই বিকারকে ত্যাগ করা উচিত, তাই না। সাধু - সন্ত ইত্যাদি অনেকেই এই বিকারকেই দানে নেয়। তারা বলে ---- আচ্ছা, তোমাদের মিথ্যা কথা বলা আমাকে দিয়ে দাও। বিশেষ করে কাম বিকারের জন্য বলে -- মাসে একবার কি দু'বার যাও। কিন্তু এখানে তো পাঁচ বিকারের কথা। কেবল একবার এক চোরকে ধরলে, অন্য চোর চুরী করতে শুরু করবে। তাই এই কথা কাউকে বোঝানো খুব সহজ। পতিত আত্মা, মহান আত্মা বলা হয়। পতিত পরমাত্মা বা মহান পরমাত্মা বলা হয় না। তাহলে পবিত্র কে বানাবে? অবশ্যই ভগবানের দিকেই ইশারা করবে। উপরের দিকেই নজর যাবে। তিনি কবে আসবেন? তাঁর নাম কি? ভারতে শিব জয়ন্তী তো প্রসিদ্ধ। তাঁর নামই শিব, অন্য কোনো নাম দেওয়া হয় না। বুদ্ধিতে অবশ্য লিপ্সাকারই আসবে। সোমনাথ -- বললেও বুদ্ধিতে সেই লিপ্সই আসবে।

এখন তোমাদের আত্মা জানে যে পরমাত্মা হলো আমাদের মতোই এক স্টার। এই যে তারারা, তাদের নক্ষত্র দেবতাও বলা হয়। নক্ষত্র কখনো ভগবান নয়। তোমরা হলে নক্ষত্র বা তারা। তোমাদেরও ভগবান বলা হবে না। তাহলে পরমাত্মা হলো এক বিন্দু। কিন্তু কিভাবে তার পূজা করা হবে? তাই ভক্তি মার্গের মানুষ লিপ্সের রূপ বানিয়ে দিয়েছে। কিন্তু এতো বড় জিনিস কিছু নয়। আত্মা তো ছোটো - বড় হয় না। তাই তাঁকে বড় বানানোও ভুল। কোনো মানুষেরই পরমাত্মার যথার্থ জ্ঞান নেই। এ অনেক বড় কথা। বলা হয়, একদম বিন্দু, কিন্তু তাঁকে স্মরণ কিভাবে করবো? আরে, আত্মাদের তো তাদের বাবাকে স্মরণ করা খুব সহজ। কেবল বাবার মহিমা পৃথক। আত্মারা তো একইরকম। আত্মার মধ্যেই ভালো বা খারাপ, উঁচু - নীচু সংস্কার থাকে। আবার আত্মার মধ্যেই জ্ঞান থাকে। আত্মা কতো ছোটো। আত্মার সংস্কার অনুসারেই মানুষ গরীব বা বড়লোক হয়। এখন বাচ্চারা, তোমাদের বুদ্ধিতে এই সমস্ত জ্ঞানই আছে। মানুষ পরমাত্মাকেই জানে না তাই তাদের আত্মার জ্ঞানও নেই। উল্টে ঈশ্বরকে সর্বব্যাপী মনে করে নিয়েছে। এই সমস্ত জ্ঞান আত্মাই ধারণ করে। আত্মাই তার সংস্কার অনুসারে এক শরীর ছেড়ে অন্য শরীর ধারণ করে। এই আত্মাই আবার কথা বলে। মানুষ নিজেদের মানুষ মনে করে কথা বলে। এখানে নিজেকে আত্মা মনে করার অভ্যাস করতে হয়। আমাদের আত্মাদের পরম পিতা পরমাত্মা এসে পড়ান। মানুষ তো বলে দেয় আত্মা নির্লিপ্স। যদি নির্লিপ্সই হয় তাহলে সংস্কার কার মধ্যে ভরা হয়। মানুষ অনেক দ্বিধার মধ্যে রয়েছে। এই নতুন দুনিয়ার জন্য নতুন জ্ঞান বাবাকেই এসে দিতে হয়। পুরানো দুনিয়ায় থাকা মানুষরা এই জ্ঞান দিতে পারে না। তাহলে বাবাকে তো জানতেই হবে, তাই না। ভক্তদের ভগবানের থেকে আশীর্বাদী বর্ষা নিতে হবে। ভক্তিও তো চলে আসছে। মানুষ নুড়ি - পাথরের মধ্যে পরমাত্মাকে খুঁজতে থাকে। তারা মনে করে, সবাই পরমাত্মার রূপ। বাস্তবে সবাই হলো ভাই - ভাই। লক্ষ্মী -

নারায়ণ থেকে শুরু করে সমস্ত মানুষই ভাই - ভাই যেহেতু তারা প্রজাপিতা ব্রহ্মার সন্তান। যদি শিবের সন্তান বলা হয় তাহলেও তো তিনি নিরাকার আত্মা। ব্রহ্মার সন্তান শরীরগত ভাবে ভাই - বোন হয়ে যায়। কিন্তু আবার যখন গৃহস্থ ব্যবহারে আসে তখন এই ভাই - বোনের ভান ভুলে যায়। যদি এই জ্ঞান থাকে তাহলে কেউ বিকারে যাবে না। এখন বাবা বোঝাচ্ছেন, তোমরা বিকারে যেও না। তোমরা এক বাবার বাচ্চারা সবাই ভাই - বোন। এখন ব্রহ্মা তোমাদের সামনে বসে আছে। তোমরা তার সন্তান, সবাই বি.কে। এ হলো গৃহস্থ জীবনে থেকে পবিত্র থাকার যুক্তি। জনকের উদাহরণ তো আছেই। প্রথমে এক একটি বিষয় নিশ্চিত হওয়া উচিত যে বাবা এসেছেন স্বর্গ বানাতে। ব্যস, এই ভীত যদি একবার লেগে যায় তাহলে চট করে বাবার হয়ে যাবে।

বাবা বলেন যে, তোমরা আমার হয়ে যাও তাহলে আমি তোমাদের স্বর্গের মালিক করে দেবো। আমরা নিশ্চিত যে, ইনি হলেন সেই বেহদের বাবা। আমরা অবশ্যই তাঁর থেকে আশীর্বাদী বর্ষা নেবো। "মনমনাভব আর মধ্যাজী ভব" কত সহজ কথা। কাজকারবার করেও যেন বুদ্ধিতে এই স্মৃতি থাকে যে, আমরা হলাম বাবার সন্তান। আমরা স্বর্গের মালিক হবো, তো এই খুশী থাকবে। এ হলো ৮৪ জন্মের চক্র। এই ৮৪ জন্ম হলো সূর্যবংশী দেবী - দেবতাদের। তোমরা জানো যে, আমরা হলাম স্বদর্শন চক্রধারী। কেবল চক্র বললেই জন্ম সিদ্ধ হয় না তাই বলতে হবে, আমরা ৮৪ জন্ম জানা স্বদর্শন চক্রধারী। তখন বাবাও স্মরণে আসবে আর পাঁচ যুগও স্মরণে আসবে। এখন আবার আমরা স্বর্গে যাবো। আমাদের ৮৪ জন্ম সম্পূর্ণ হয়েছে। বুদ্ধিতে যেন চক্র ঘুরতে থাকে আর শরীর নির্বাহের জন্য কাজ - কারবারও করতে হবে। বাবা বলেছেন যে, স্বদর্শন চক্রের জ্ঞান আমার ভক্তদের দাও। তাদের বোঝালে তারা চট করে নিশ্চিত হবে যে, বরাবর আমরাই ৮৪ জন্ম নিই। ৮৪ জন্ম যারা নেবে না, তাদের ধারণাও হবে না। ৮৪ জন্মের অর্থ হলো প্রথমে দিকে আমরা সূর্যবংশীতে আসবো। কেউ যদি অল্পও শোনে তবেও সে অবশ্যই স্বর্গে আসবে। কিন্তু ৮৪ জন্ম নেবে না, দেবীতেও আসতে পারে। তাদের খোড়াই ৮৪ জন্ম হবে। এ হলো জ্ঞানের মহান কথা। কতই না হিসেব - নিকেশ আছে। তবুও বাবা বলেন, আচ্ছা, যদি এমন গুহ্য রহস্য বুঝতে না পারো তাহলে শুধু বাবার হয়ে তাঁর আশীর্বাদী বর্ষা তো নাও। আমরা হলাম শিব বাবার বাচ্চা। তিনি স্বর্গের রচয়িতা। এই নেশা থাকা উচিত। কিন্তু মায়া এই নেশায় থাকতে দেয় না। কেউ কেউ বলে -- বাবা আর তাঁর আশীর্বাদী বর্ষাকে স্মরণ করো - এ কোনো বড় কথা নয়। মায়া আমাদের কি করবে? আমরা তো অবশ্যই এই বর্ষা পাবো। এ কত সহজ কথা। কারোর যদি এই ভীত বিদ্ধ হয় তাহলে বাবা আর তাঁর আশীর্বাদী বর্ষাকে স্মরণ করে খুবই খুশীতে থাকবে। যতক্ষণ এই খুশী না আসে ততক্ষণ বলা হবে পাই পয়সাতেই নিশ্চিত। যারা সম্পূর্ণ নিশ্চিত তাদের খুশীর পারদ সবসময় চড়ে থাকে। কোনো রাজার যদি সন্তান না থাকে তাহলে বলে, এই কেল্লার ভিতরে প্রথমে যে আসবে তাকেই দত্তক নেবে, তখন লাইন লেগে যায়। কোনো খেলাতেও লাইন লাগে। দুধের বোতলের জন্যও লাইন লাগে। প্রথম নম্বরে দাঁড়ানোর জন্য ভোরবেলা উঠে দাঁড়িয়ে যায়। না হলে বুঝতে পারে যে, আমাদের অপেক্ষা করতে হবে। তেমনই এখানেও বাবার গলার হার হওয়ার জন্য লাইন লেগে যায়। সমস্ত কিছুই পুরুষার্থের উপর নির্ভর করে। বাবাকে স্মরণ করা হলো বুদ্ধির দৌড়। বাকি কাজ কারবার করতেই থাকো। হাতে কাজ করতে করতে বুদ্ধিতে বাবাকে স্মরণ করতে থাকো। আশিক আর মাসুক এক জায়গায় খোড়াই বসে থাকে। কাজ - কারবার করেও বুদ্ধি তার দিকেই থাকে। তাই এখানেও বুদ্ধি একজনের সাথে যুক্ত থাকা চাই, যিনি আমাদের স্বর্গের মালিক বানান। যে সময়

পাও তাতেই পুরুষার্থ করো। আবার গৃহস্থ জীবনেও থাকতে হবে। এ কোনো কর্ম সন্ন্যাস নয়। শরীর নির্বাহ তো করতেই হবে।

এখন বাবা ব্রহ্মার শরীরে এসে বলেন, আমি তোমাদের বাবা, আমিই তোমাদের স্বর্গের মালিক বানাই। তোমরা আমাকে আপন করে নেবে না? আমার যখন হয়েছে তখন আমার সাথে যোগ লাগাও আর আমার হয়ে তোমরা যদি পবিত্র না থাকো, নাম যদি বদনাম করাও তাহলে অনেক সাজা ভোগ করবে। সদ্ধুরুর নিন্দাকারী স্বর্গের দ্বারে পৌঁছাতে পারে না। আচ্ছা, বাপদাদা, মাতা - পিতা, যাদের থেকে সদা সুখের বর্ষা নাও, স্বদর্শন চক্রধারী হয়ে রাজ্য ভাগ্যের অধিকার নাও, বাপদাদার এমন হারানিধি বাচ্চাদের স্মরণ, ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :--

১) বাবার গলার হার হওয়ার জন্য বুদ্ধির দৌড় করতে হবে। এই স্মরণের যাত্রায় রেস করতে হবে।

২) শরীর নির্বাহের কারণে কর্ম করেও স্বদর্শন চক্র ঘোরাতে হবে। কখনোই সদ্ধুরুর নিন্দাকারী হয়ো না। নামকে বদনাম করার মতো কোনো কর্ম কোরো না।

বরদান :- নিজের সাহসের (হিম্মত-এর) আধারে উৎসাহ - উদ্দীপনার পাখায় উড়তে থাকা শ্রেষ্ঠ ভাগ্যবান হও

যা কিছুই হোক না কেন নিজের হিম্মত ছেড়ে না। অন্যের দুর্বলতা দেখে নিজের মন খারাপ করো না। কি জানি, আমার তো এমন হবে না - এমন সঙ্কল্প কখনোই করো না। ভাগ্যবান আত্মারা কখনোই কারোর প্রভাব বা আকর্ষণে নীচে আসে না, তারা সর্বদা উৎসাহ - উদ্দীপনাতে ওড়ার কারণে সুরক্ষিত থাকে। যারা অতীতের কথা, দুর্বলতার কথা চিন্তা করে, অতীতের দিকে দেখে, এই অতীতে দেখার অর্থ হলো রাবণকে আহ্বান করা।

স্লোগান :- প্রত্যেকের মতকে সম্মান দেওয়ার অর্থ হলো সম্মান নেওয়া, সম্মান যারা দেয় তারা কখনোই অপমান করে না।